

特約 新界風土名勝大觀

十二

江山故人

第一章 概說

(三) 形勢

(禁止轉載)

(四) 村落

新界大小村落甚多，統計之，約五百餘，其中建有石圍者數十，設宗祠者十之九，立廟宇者幾無處無之，居民多業農，間或漁鹽，入其境，田疇阡陌，村居相望，雞犬之聲相聞，儼然古風也，港政府為求便於統治各村起見，乃將全新界分為南北二約，各設理民府以統轄之，理民府之下，復置警署十餘，分任各區域治安事宜，如村落之離警署較遠，遇有事則燃放火箭以報警，警即馳救，故新界各村之治安，可毋虞也，南約重要村落共有十四處，基灣、荔枝角、深水埗、九龍塘、九龍城、坑口、大、東涌、坪洲、長洲是也，北約重要村落共有十四處，落馬洲、新田、錦田、元朗、平山、厦村、屯門、西貢、沙頭角、打鼓嶺、上水、粉嶺、大埔及沙田是也，今先述南約、後及北約，其況如下：

甲、南約方面

(一) 基灣 在大帽山之南，距油蔴地西北五英里，南臨淺水灣，對青衣前段，畧言之矣，該區有白山排、柴灣角、魯園新洞屋、木棉下、寶樹園、葵涌及三百錢等村，居民三千餘，瀕海有荳灣墟，為全區最盛處，小屋六十餘間，高二層者佔十數，街巷狹隘如西貢，商店以營雜貨、藥材、理髮、生菓、餅餌等居多，茶樓共有四所，營業時間，每晚開至十一點，沿岸有德士古火油井、醬園、公益、白土敏土廠、港全駁碼頭、天香茶樓等，墟內有全完會堂、蔡公家祠、小足球場、聯芳書室、邱氏家祠、警署及新界警署所等，村北有棲霞別墅、竹林禪院、鹿野苑、百合園、普光園、天后廟及高光裕堂別業，「馬」一等，村西之柴灣甫有餘地（一名蚌地），為新界著名風水地也，地為小邱，高六十尺，形如，邱之半，有道光二十九年十二月廿日香港、東莞新安五房鄧氏子孫同立之祖墓，該村川產，以波蘿為最著，在各斜坡上，皆見有波蘿田，年中產量甚豐，佳品如糖格者，每斤取價不過七八銅元，次者地更廉，每角可得二三斤，鄉人發售波蘿之時間，恆在日之午，集千數百担，分別以籮盛之，列於青山道旁，談價論值，情形頗熱鬧也。

(未完)

特約
撰述

新界風土名勝大觀

二

江山故人

第一章 概說

(禁止轉載)

(二)三百錢 去荃灣東南不遠之一小村落也、相傳有土人某、拾三百錢於途、以之權子母金、乃致富、遂家於此、其後遺錢者偶與此土人遇、相語之下、其奇其事、土人大感之、因舉所有以贈、並締秦晉之好焉、故名其地曰三百錢、一說則謂該村昔有天后廟、值神誕、嘗以三百錢聘人為木頭人戲、遂得名、後說似可信也、今天后廟以風水關係、乃遷往對岸之青衣、所餘舊址已剝落荒廢矣、該村居民甚少、近海有謝纓泰別業及德士古火油井、最近且有新築馬路由青山道旁直達於此、

(三)葵涌 在荃灣之東、別為上葵涌與下葵涌、青山道橫亘其中、下葵涌近辟翁灣、黃雲四野、村居整齊、溪流掩映、風景甚逸、上葵涌多菜畦、村邊綠樹、屋角斜陽、別見幽邃、村畔有山徑可通城門谷者、該村出產、亦以波羅為大宗、

(四)九華徑 一稱狗扒洞、在荔枝角海灣之北、東西為小邱、各高數百尺、北為山之斜坡、有流泉下注、經材內而入荔枝灣、全村如處山谷中、自青山道下望、可見之也、村居約五十餘、間有二層樓者、都光潔平整、較勝潭螺涌之窩美村、內有養正學校及曾氏家祠、咸集於村之東北一帶、養正學校有生徒四十、課室極雅潔教授亦佳、村西有菓園及茅舍三四、皆隱於陰深處、中部與南部為田畝、禾色青翠、列植井然、居民數百、淳樸有禮、和藹可親、誠新界之模範村也

(五)荔枝角 在九華徑之東南、位於荔枝角灣與長沙灣之間、其地樓宇較少、多為工場及曠地、有警署、美孚火油井、監獄、煤倉、長途汽車總站、游泳場及監獄所開墾之菜畦、菜畦側有小涌、涌畔立梅江旅館、館建於清光緒丁酉年間、凡七進、周圍以牆、成長方形、其第五進之一楹、祀嘉慶古老先人神位、最後一楹之垣外餘地、植龍眼樹三株、該館今尚有人居停、蓋一古式之旅館也、由此沿涌畔之山徑而北行、約二十五分鐘、即至蝴蝶谷此處林木參天、蝴蝶千百相集、徘徊林間、久久不去、若款款情深者然、

(未完)

特約
撰述

新界風土名勝大觀

二

江山故人

第一章 概說

(四) 村落

(禁止轉載)

(六)長沙灣。荔枝角東行、是為長沙灣、此處樓宇較荔枝角為多、有廠、鉛筆廠、織布廠、醬園、福音堂、三會堂及船排廠等、近鰲魚山麓有黃屋、李屋、鰲屋、元洲等村、其東南沿岸、新填之地甚廣、與深水埗相接處、則有陸軍兵房數百間、

(七)深水埗。在長沙灣之南、其地極繁盛、非荔枝角長沙灣所可比擬、樓宇千餘間、居民數萬、街道如荔枝角道、長沙灣道、大南街、福榮街、福華街、北河街、南昌街等、皆商店林立、戲院則有北河及明星兩間、茶樓酒館亦多、今已為香江市鎮之一、其北有田寮村、白田村、內有馮園及葵園昔有亭台池沼、近已荒廢、自大埔道河沙田、時見之也、

(八)九龍塘。在深水埗之東、倚燕壇山之麓而傍英王之道、昔稱九龍仔、為一小村落耳、八九年之間、將此小村開闢、建洋樓數百、皆仿英國田莊式、各於屋前置地為園、復築以短垣、盆栽花木、綴紛雜陳、魏紫姚黃、爭妍鬥麗、居此者多為樓之主人、綺樓燈影、小窗垂幔、時而琴韻歌聲、起自寂寂深院間、柔媚抑揚、至快人意、街道以窩打老道為最廣長、由燕壇山麓直趨油蔴地、長可一英里、長途汽車即經此而入九龍塘內、餘界如限街、干和道、根德道、德雲道、施他佛道、雅息士道、舒梨里、林肯道、修福道、約道、金巴倫道等、都極為整潔、此區既有若是之建設、故又稱為花園城或模範村、

(九)九龍城。去九龍塘之東一英里、分西頭、瓦窑頭、東頭、學佬村、打鼓嶺、石鼓壟、蒲崗、衙前圍、沙堡、沙地園、龍舟井、鑽石山、牛池灣、牛頭角等村、又有九龍寨城、侯王古廟、查色園、仙祠、慈雲山、觀音宮、萬佛堂、金霞精舍、宋王台五龍院等勝地、九龍寨城之東南一帶、則屬市區、有新街市、警署、戲院、運動場、啓德濱飛機場等、近年間數、新建樓宇極多、新開街道如嘉林邊道、獅子石道、侯王道、城南道、衙前圍道、打鼓嶺道等、均極修齊廣平、村落一帶、則多染布廠、粉麵廠、牛奶房、醬園、酒廠及織布廠等、

特約
撰述

新界風土名勝大觀

三二

江山故人

第一章 概說

(四) 村落

(禁止轉載)

(十) 牛池灣 在九龍城之東、枕鍾仔山而面西貢路、西隣沙地園、東北望為九龍山、是為九龍城區域之東部盡處、車行登山、過海關、可通鯉魚門、馬油塘、井欄樹、蠟涌、窩美、西貢等、村居近百、菜畦稍多、居民雜姓相處、不設宗祠、有安老院、萬佛堂、金霞精舍、及一二私家園地、其南之白屋仔村、泉石交錯、綠陰擁翠、邱上建有廣西人某氏別業、頗壯麗也、

(十一) 牛頭角 去牛池灣東南不遠、倚山臨海、有海灘可游泳、居民二十餘家、設小雜貨店、有玻璃廠(已廢)及廈門罐頭公司、玻璃廠之前、修竹成林、迎風搖曳、清簾瀟瀟、翠影參差、炎夏至此、徘徊不忍去也、

(十二) 鯉魚門村 居鯉魚門海峽之北岸、小屋數十間、居民不過百餘耳、有腐竹廠、小茶樓、水月宮及燈塔、居民除種菜外、多業漁、有艇自筲箕灣亞公巖常川往還於此、

(十三) 井欄樹 位於牛池灣至將軍澳途中、四周皆有高約八百英尺至九百餘英尺之山、若處小谷山中也、村居數十、高二層樓者一所、居民業農、多邱姓、有邱氏宗祠、

(十四) 將軍澳 在將軍澳灣之極西北、後倚瀑布山(高九七一英尺)、前臨海灣、東有大涌、自山奔瀉而下於海、屋宇三十餘間、無商店、居者多陳姓、其西之海灣、常有漁人在此下網、獲者多為沙蜆魚、每次起網、多者二三十斤、少者每天祇得三數斤耳、售價每斤約二角餘、多撈往九龍城或坑口發賣、

(十五) 坑口 將軍澳東行、經鯉魚灣、跨小邱而下、即為坑口、坑口則居將軍澳灣之極東北、南約大村之一也、其南有大涌注於海、築牆成坑、故名坑口、居民約四十餘家、村居多二層樓、皆望衡對宇、中間小石路、參差、不齊、街內雜貨店、臘味店、理髮店及小茶樓兩所、茶樓昔有新月、冠珍、漢香樓三間、今已改其舊觀矣、村內一切公益事、俱由街坊仙理任之、嘗設貧民人壽共濟會、今已停辦、其隣有明淵學校、村中子弟皆就讀其間、海面常有大小漁船停泊、船之待修理者、多就近購草烘船船底、惟須繳費與村南之天后廟、大漁船二角、數畝船半之小艇又半之、

(未完)

特約
撰述

新界風土名勝大觀

四二

江山故人

第一章 概說

(四)

村落

(禁止轉載)

(十六) 孟公屋 一作孟功屋。去坑口東南半英里，居民近百，多盛洪等姓，側有小邱高五百餘英尺，其西之麓，瀕將軍澳灣，有盤地曰「盤地」者，其風水之勝與荊刀山之將軍脫甲一，並稱也。

(十七) 大埔仔 居荊刀山之東南麓，坑口至此，約一英里半，村屋僅二十餘間，散處村之南北，田畝較多於井欄崗，小溪繞出，垂柯交蔭，風景頗佳，西北行一英里餘，可至窩美、南園、涌等村。

(十八) 山厦 自坑口僱艇南行一小時許，即抵山厦，此處居將軍澳灣之東南，西對佛堂洲，東南為田厦山，村居亦數十間，居民多葉劉二姓，菜畦山隴，皆臨海濱，間有小菜園，規模甚簡，村北有天后古廟，佔地頗狹，濱海而立，由坑口僱艇往佛堂門天后廟者，多由此處登岸，然後越山步行半小時，即至其地矣。

(十九) 佛堂門 去田厦村東南不遠，南望燈籠洲(即南堤)相隔之海，即為佛堂門海峽，該地無村居，祇近海處之斜坡，有一小屋，為漁人所居者，其西則有天后古廟，(俗稱大廟)，建甚古，凡三楹，重修於清光緒三年歲次丁丑，其內陳設頗壯麗，每年天后誕辰，香港士女，除往南頭之赤灣外，即至此處參神，喧闐數日乃已，故該地雖無村居，有此大廟，亦足以傳矣。

由廟側登山，至一山峽曰「均頂」者，地頗平坦，有石碑刻八卦形，並有「海星」兩字，想亦迷信者所用為鎮山之類耳，由此北行，即為布袋澳。

(二十) 布袋澳 居佛堂門之北，倚大廟之均頂而對大角頭山，遙望鴨脷洲(在清水灣之東)，更遠為澳洲，望之形如小海股，南寬而北狹，狀如布袋，故名，村居則倚南岸之山腰而立，相隔僅百餘碼之遙耳，東岸有福德祠及洪聖廟，廟之歷史頗悠久，歷清嘉慶廿二年，光緒九年，宣統三年之間，重修凡三次矣，今廟之座落仍舊然也，全澳居民約三百餘，漁戶佔其泰半，皆雜姓，無宗祠，有事則假洪聖廟以行之，商店以在東岸之悅記棧油米薯貨雜貨店為最偉大，樓高二層，有如西貢所見者，該地漁人，恆運出菜洲附近海面捕魚，歸必集於此，故繫岸之小漁舟，桅樁倒影軟綠流中，如此水郭山村，風光無限也。(未完)

特約
撰述

新界風土名勝大觀

五二

江山故人

第一章 概說

(四)

村落

(禁止轉載)

(廿一)馬油塘。一稱留塘，去井欄樹之南一英里，西北為井欄樹山(高三三六七英尺)，東可通蘇湖村，由九龍城至此，需時一小時半，村居不及二三間，皆倚山而南而立，居民自曾李朱三姓，各設宗祠，又有維新初小學校，就讀者約十餘人，村民居此耕種而外，間有赴香港九龍尋處謀生者，其先世乃來自廣東之五華縣，於此已百餘年矣，至其近祖之塋墓，仍卜葬是間也，附近之山徑，林木參天，濃陰夾道，凡千數百步皆然，炎夏經此，神為之爽。

(廿二)蘇湖。居黑山東麓之一小村落也，此去馬油塘須登山，約半小時可達，南有照鏡灣(俗稱吊頸灣)，東望為將軍澳灣，沿岸北行可通將軍澳，村居十餘，皆雜姓，以種桑捕魚為業。

(廿三)茶葉嶺。在茶葉嶺(一名石山，高四九八英尺)之南，距蘇湖村西南一英里，九龍駕東南岸之一小村落也，此處山石獨多，有磁坑嶺、蛋家井村及公眾墳場，可在管箕灣僱艇來此。

(廿四)坪洲。在坡洲島之西南隅，距大嶼山東岸一英里，村居不甚多，石灰廠佔二十餘間，有小茶市、雜貨店等，此處與香港之交通，則有數隻船或汽船，汽船非單行者，特以之拖貨艇，因便乘客耳，數隻船約由晨早自坪洲來港，不午始返，其開行時間無定也。

(廿五)長洲。在長洲島之西，樓宇數百，多高二層，有街市及警署，橫街小巷，商店林立，中以興隆街為最盛，有雜貨店、銅鐵店、印髮店、茶市及其它營海味、雜貨山貨等業者，亦較散見，該處為新界漁業重鎮，近年建設已有可觀，所有舊時村落，亦漸趨於繁榮，故今日之長洲墟，商務發達之速，已非荖灣坑口大澳等處所可及也。

(廿六)東涌。居大嶼山之北，有馬灣涌、沙嘴頭、牛均、藤園、莫家等村，村居數百，散處各方，居民及千，皆雜姓，業農或漁，有養正學、容生等數十，又有清代遺壘一座，縱橫三千餘方尺，為門三、礮砲六尊，今已廢，此大鵬協右營都關府之所在也，其側有小屋十餘間，是為東涌墟，僅得雜貨店一所耳。

(未完)

特約
撰述

新界風土名勝大觀

六二

江山故人

第一章 概說

(四)

村落

(禁止轉載)

(廿七)大澳。居大嶼山之西，亦南約重鎮之一也。其北爲虎山、南爲鷹山、東爲麒麟山、山之麓、有大涌三、曰一涌、曰二涌、曰三涌、皆緩緩而注於大澳灣中、在此水曲岸廻山痕溪影間、小屋數百、櫛比鱗次、一望渠渠然、構廬而居於涌面者泰半、高二層之樓百數十、層層疊瓦、錯雜其間、此大澳壩也、壩內有百慶、永安、太平等街、街爲石砌者、比龍城之九龍街爲較修潔、藥材、海味、油漆、銅鐵、雜貨、山貨、理髮等商店、盡立於街之左右、又有新街市、大澳學校、中華基督教會、天主教堂、關帝廟、天后廟、閩澳國防公所及嶼山酒家樓等、該樓傍涌畔而立、高二層、地方敞潔、治饌頗美、游大澳者、最宜到此一醉也、壩之東西、有龍岩寺、由此有山徑可通靈山、鹿湖、石壁園、昂平、地塘村及東涌等處、龍巖寺之前、沿岸一帶、以蓮鷹山之麓、皆爲鹽田、並築以堤、縱橫數百萬方尺、附近爲南涌村及梁屋村、菓園隨畝、寥落其間、別具風緻也、卒澳居民數千、榜人居其半、皆以漁鹽農商爲業、工廠絕少、農人不多、捕魚者多屬數畧船、朝去而夕回、將所獲售諸市、生活頗佳、鹽田則稍落後、其出路大不如往昔、故間有荒廢者、商務一項、頗呈樂觀、蓋大嶼山多禪林、僧尼道侶不下千數、其日用之所需、多仰給於此、而西返較大之漁船、亦常到此下碇、以利買賣、此輩之紛集、恆在五六月間、且大嶼山村落雖多、有墟市者、僅大澳一處、故遠近村民皆來此購物、至於來游鹿湖、靈山、昂平等名者、多任大澳登岸、具此形勢、大澳商務亦可抱樂觀也、其所以不如長洲者、在交通不便耳、至若以形勢言之、西望爲浩浩大洋、無洲嶼作屏障、風浪遂大、而海水又淺、往往離岸八九百尺仍不能沒頂、來往此處之小輪船、常賴駁艇以渡乘客登岸、故又不如長洲之易於發展也、該地警署設於澳北海角之一小邱上、周圍範以鐵綫網、戒備極嚴、規模宏偉、來澳之輪船即泊於此處附近海面、乘客多經一華探盤問、然後方許登岸、所以治安上亦甚整飭也、(未完)

特約
撰述

新界風土名勝大觀

二七

江山故人

第一章 概說

(四)

村落

(禁止轉載)

(廿八)石壁圍。處大嶼山之西南，山大澳至此，需時一小時半，其東西北三面，疊嶂層巒，高山環翠，鳳凰嶺以西，獅子頭山崛起昂平之南，其南以降，至南山清竹園，始漸舒為斜坡，白石壁圍以達海濱涌口，凡一英里半，勢如長狹之平原，至為幽勝，復由獅子頭山西之木魚山起，迤邐而西南行，將至清竹園，聯屬墳背山而至涌口之馬山，一脈而下，形如列屏，其對望之鳳凰嶺支脈，尤為峻峭雄渾，起頓如風捲雲濤，奔放如推波助瀾，東西兩山相峙如此，石壁圍居其中，形勢至佳也，村之週，巖石成壁，高可八尺，形若小城，故曰石壁圍，圍隱於萬綠叢中，其西側，復有小溪，徐徐而下於涌口(地名)，溪畔垂柯及水，頑石綜錯，泉流激越，響板沉寂，村野之美，無逾於此，村內屋舍，約有百餘，惟多無人居，新瓦頽垣，荒涼一片，有如戰後之邱墟者然，聞村中人言，此地昔有居民千餘，後以風水關係，遷者漸多，今祇存二百餘人耳，居民多陳徐馮張四姓，在昔張姓最多，今漸少，其先世居此，遠在南宋末年，現尚有二十傳之子孫，惟無宗祠，村中有天主教堂，侯王廟及小雜貨店各一間，教堂居村之南，建築壯麗，其門雖設而常關，閒講道時期無定，每二三期或一二月一次不等，講者為從遠道而來之外國傳教人，彼不甚諳華語，權屆時聽講之人亦不少也，村之南一英里，有地名涌口者，亦為該村之附屬，該處風景甚幽，有較大之雜貨店及洪聖古廟，廟內懸重約百餘斤之洪鐘一口，乃乾隆三十年乙酉季夏所鑄者，想該廟之建亦甚古也，其內並有聯云：『洪濤汪洋，對馬山而作案，聖恩浩蕩，擁鳳嶺以為屏』，聯雖不佳，讀此亦可窺知立壁圍與涌口之形勢如何矣，涌口之海灘，頗得潔淨，可供游泳，灣內之大涌，常有小漁艇駛進灣泊，朝則復出而漁，故洪聖廟側之雜貨店，若輩榜人為其大主顧也，石壁圍居民多以耕種為業，出海捕魚者居涌口較多，其北之南山清竹園，為女兒輩靜修之所，有菜園，由此可跨獅子頭山而至昂平者也。

(未完)

特約 新界風土名勝大觀

二

江山故人

第一章 概說

(四)

村落

(禁止轉載)

(廿九)榕樹灣、北角及其它 博寮洲有村落十餘，其較著者，祇推榕樹灣及北角而已，兩處皆在洲之北部，居民各百餘，以陳姚周三姓為多，榕樹灣有警署、天后廟及小茶店，北角則有菜園及小雜貨店等，居民多業農，應則次之，北角姚氏，多出香燭謀生，所業為建築事云，其它村落尚有茅寮、東澳、榕樹下、大灣、流蘇城、橫聖、高望、大坪、鹿洲、蘆荻灣、榕樹壩、衙前等處，各有居民百餘，亦多陳周二姓，所業多為耕種、捕魚、畜牧三種也。

(三十)蒲台 在蒲台島之北，村居數十間，居民雜姓，中以巫姓較多，皆為寶安縣，或客籍人，村內有茶店、雜貨店、天后廟及腐竹廠等，小館艇常集於其附近灣內，終歲以漁人來往為多，出品以腐竹及魚卵為最著名。

乙、北約方面

(卅一)落馬洲 一稱勒馬洲，在深圳河口之左岸，南去新山不遠，倚山面河，村居數十，田畝亘其前，山上設有警署，附近有茶寮及我國稅關，席側即為渡河小艇停泊之所也，艇資每人收銅圓一枚。

(卅二)新田 去落馬洲之南一英里，亦居深圳河口之左岸，其東即為環繞新界之公路，此去上水四英里耳，其南則通蓮塘、圍仔、竹園、博園、凹頂、元聖等村，村居百餘，居民二千，多文姓，據村中人言，宋季，其先祖由海道至此，相地至麒麟山，美為吉祥之地，因卜居焉，或曰，此文文山之遺裔也，村內有光緒十九年重修之東山古廟，懸有文時可所題之聯二，廟雖不知建自何時，然觀其內容，殆建甚古也，又有大夫第、為文英扶君之祖居，屋凡數進，復繞以圍牆，屋前曠地，有亭地各一，又開習武室，向置刀槍劍戟及大石等武器，屋後為菜園，佔地不多，桑村祠堂共有數所，文氏宗祠有博裕堂，附設小學，莘野文公祠有明遠堂，內有一欽點榜眼及第，光緒十六年庚寅忠科一甲二名，文廷式恭承一之品額，麟峯文公祠有吐書堂，秉秀文公祠有明德堂，祠堂之多，為新界所僅見，該村田畝甚多，收穫極豐，又特產紅穀一種，最宜釀酒，村人多嗜為之。

(未完)

特約
撰述

新界風土名勝大觀

〇三

江山故人

第一章 概說

(四)

村落

(禁止轉載)

(卅五) 逢吉鄉 去錦田西北一英里，毗連沙田，蓋以山頭，為已故沈冠南（鴻英）上將個人所闢之鄉也。全鄉僅有大岸一座，凡三楹，左為協威樓，右為沈氏家祠，中間額曰「上將府」，並配以聯曰：「氏原公姓，家本將軍」，樓前為曠地，縱橫頗廣，可作小足球戲，樓之四週，繞以垣坦，垣外田畝甚多，屋後則為菓園菜畦，佔地亦甚遼闊也。樓之右側置馬廐，有良馬二，沈氏常喜馳騁於附近山間，想橫戈躍馬之雄風，仍不稍替也。今者，斯人已遠，門庭依舊，緬懷英雄，感佩係之，沈氏家祠內有名人題聯極夥，計有岑春煊、張一鵬、伍其昌等，伍氏為將界英雄，現居元明，其聯題曰：「祖居閩郡，父遷柳州，身盛地北天南，爰得樂郊娛晚歲，功在山河，業垂阡陌，念及水源木本，特營峻廟紀前勛，一是可為將來逢吉鄉落籍之淵源也，至於協威樓，乃沈氏燕居之所，袁世凱嘗封贈沈氏為協威將軍，此樓所以誌其秋也。

(卅六) 金錢 此村乃新闢者，去錦田之南不遠，有屋宇十餘間，居者多鄭姓，業農，有駁購鄭家祠，內有道德堂，配聯云：「通達審經權，上世遺岐範玉篋，德功襲宗祖，後人擇地得金錢」，聞該村居民昔居城門谷者，因港政府收回城門谷各地開水塘，乃擇地他遷，鄭族人看風水至此，嘆為金錢地，故名該處曰金錢村，然則該村成立至今，僅二三年矣。

(卅七) 八鄉 錦田之東及南一帶，有小村落十餘，較大者凡八，皆傍鵝公山，刺刀山、觀音山、大帽山等之麓而立，其為上村、上橫台山、圓崗、蒲崗、蓮花地、良埗與水牛田，即所稱之八鄉也，全鄉居民約千餘，皆雜姓多務農，上村、橫台山、蓮花地等皆近觀音山之麓，風景較幽，有黃龍吐珠勝地，又有同益學校，建於民國十年九月，校凡三楹，內有校長室、休息所、高初兩等課堂，堂內檯椅極雅潔，可容學生八十餘人，所有設備，皆合時代化，壁間所懸標語及理科圖案等，使人望而致敬，現有學生約六十餘人，皆衣校服，鄉間學校有此辦理精神，可謂八鄉子弟之福也。

(未完)

特約 新界風土名勝大觀

一三

江山故人

第一章 概說

村落

(禁止轉載)

(非八)元聖居后海灣之東南、環繞新界之公路即經其南、去上水九英里、自油麻地官涌佐敦道碼頭至此約二十
七英里、處新界西北一隅、而交通上有此利便、無怪其商務日臻暢盛、與大埔墟相較、誠有過之而無不及也、全
島有居民約五千餘、屋宇數百間、多高二層、又分爲新舊二墟、舊墟居北而稍偏於東、新墟居南而傍馬路、兩墟
相隔一小河、建橋以通之、橋之左右、水光平滑如綠油、村人趁市、絡繹橋上、鄉野風趣、於此可見也、舊墟樓
宇、皆瓦簷相觸、列於曲巷小街中、情形頗似茶灣墟、有大王廟、玄關二帝廟、腐竹廠、榨油廠、酒廠、當舖、
及其他小商店等、腐竹廠約有六間、每間僱男女工人數十、年中出品甚多、運往本港及外埠發售、所值逾萬圓、
間有兼製沙河粉者、每盒售價一角、腐竹之佳者、每斤取銀二角半不等、榨油一項、亦屬大宗、新墟之商店較舊
墟者爲宏敞、有洋貨攤、雜貨店、臘味店、海味店、酒舖等、酒樓有樂天萬芳兩家、萬芳臨海畔、頗敞闊、西有
墟市、建築形式、畧如九龍城之新街市、東有合益街市、佔地甚長、內所擺賣者、多屬鹹魚菜蔬等、馬路之旁、
新墟數十間、皆北面而立、建範極宏麗、一如大埔墟、昔有迎賓酒家、先施公司第五支店及其飯店等、今已或存
或不存矣、樓之後、爲田圃、爲菜畦、爲小村落、縱橫廣闊、一片郊原、別具風趣也、離墟不遠、有博愛醫院及
官立學堂、學堂近海、有學生一百五十餘人、所習爲中英文、辦法與大埔墟及長洲所設立者相同、最近之元聖
之建設、甚形活躍、築街道、建洋樓、設滅火局及小郵局等、可與大埔墟之建設並駕齊驅矣、全區關道甚多、
計有東堤街、西堤街、元聖大路、大新街、日新街、又新街、榮泰街、阜財街、合益街、合成街、合和街、合和
後街、合發街、水車街、般亭街、泰祥街、泰豐街、泰盛街等、中以元聖大路爲最廣長、由西而東、商店林立
、至若合益街、亦爲商務重心、該墟墟期爲月之三、六、九日、出品以腐竹、蠶、桑、蠟、蠟等爲多、近海鹽田雖
廣、惟多已荒廢、入夜、漁人恆集於涌間或海面捕魚、所得甚富、故元聖海鮮、在新界有名者也、

(勘誤、昨日「伍氏爲新界英雄」一句誤刊「伍氏爲將界英雄」合更正)

特約
撰述

新界風土名勝大觀

二三

江山故人

第一章 概說

(四)

村落

(禁止轉載)

(廿九) 橫洲 屏山與元聖之間，有半島伸出后海灣之東南，橫洲即居此半島之東部，與元聖相距僅半英里耳。村居半百，居民多蔡姓，田畦疎落，農事頗閒，有二聖宮，建其古，凡三進，中爲露天曠地，兩旁爲走廊，有扁額「園鄉藉福」及「山高水長」，此廟之神誕，每八年始曠資搭棚演戲以爲賀，去廟不遠，有別業題曰「娛苑」聯云，娛苑遠山青入畫，苑環嘉樹綠成陰。苑內開亭池，建洋樓，蔭花木，滄石井，又置泵水機，電汽房及菓園等，菓園佔地極廣，列植各樹菓木千數百株，皆爲柑、橙、檸檬、楊桃、橘、李、荔枝、沙梨、香芒之屬，培植所用之肥料，多爲牛糞，更參以科學方法而整理之，故出產極優，在新界農展，屢獲特獎，園主人爲蔡寶田氏，蔡爲本港殷商，經營各業甚夥，其先世居洛陽，後遷寶安縣之南頭城，至近祖始家於橫洲，今娛苑側之小屋即其祖居也，清之季世，蔡會商於小呂宋，值李鳳歧組織同盟會，該地華僑踴躍參加，蔡亦與焉，鼎革以還，復爲商以迄於茲，其爲人，藹然可敬，且勇於社會事，關懷桑梓甚切，造福於橫洲鄉人不少，聞所建之娛苑，適居象山之前，風水甚佳，於此建樓以居其母，故名之曰娛苑，惜樓經未久，其址即作古人矣，橫洲居民多以捕魚爲業，所獲魚蝦等，皆運往元朗墟發賣，種蠔者，則先放蠔壳於后海灣沿岸之沙灘上，任潮湧沒，五年後，可得大蠔，惟鄉人多陸續播種，此其彼繼，故每年可收穫數次，每次最少有數千担，所產稱肥美，取值遂昂，鄉民以蠔爲業者，年中獲利甚豐也。

(四十) 屏山 一作平山，距元聖之西二英里，居民數百，多鄧姓，爲新界望族，與西北崇之厦村相同，該村田畝極多，間有魚塘，又有表證農場，新界出土廳，屏山市，古塔(俗稱文華)暨署及愈齋二公祠等，古塔在屏山市側，塔高二丈餘，凡三層，爲六角形，塔之正前，鋪有凌漢，聚星樓，及光射斗垣等字，內祀文武二曲星及魁星等，聞該村鄧品訓君云，「昔自塔建後，屏山及厦村一帶，科名迭出，嘗求諸父子兄弟叔姪間，竟有文武舉人五，而進士廖生輩，亦數數見也，此所謂文筆播然一類，雖云風水，亦不過心理作用耳。」(未完)

特約
撰述

新界風土名勝大觀

三三

江山故人

第一章 概說

(四)

村落

(禁止轉載)

(四) 一、東山等村、村有祠、復繞以溝、如錦田吉廣園者然、居民二千餘、多鄧姓、其先世乃江西吉安府吉水縣白沙里人、亦即錦田鄧族之支派也、圍牆高丈餘、縱橫甚廣、其正門額有「復村」二字、進內、則見有高懸之紅底金字之牌匾題曰「荷治辛未科、欽點翰林院庶吉士臣鄧容鏡恭奉」等字、鄧太史為嶺南名金石家鄧爾雅之封翁、世居東莞、以該村鄧族人亦為東莞鄧氏支派、故有此牌匾也、園內小屋數百間、深巷低簷、迴環曲折、犬豕睡於門前、耕墾息於塲中、致殊趣、村之附近、有新園、內為小墟市、設餅食店雜貨店等、村人多至此市物、頗繁盛、自此以達靈渡山(即大頭山)之麓、皆為田園、綿亘一英里餘、黃雲逐浪、湧翠排青、掩映間至使人意、田間最多沙鷗、偶經其畔、常見此鳥自田禾秧水間驚起、撲翅戛然而鳴、翔翔而去、大頭山之麓有靈渡寺、建甚久、重修於清咸豐辛酉孟冬及民國丁卯孟夏、祀靈渡菩薩及純陽壯穆二神、有大雄殿及明心養性之室、居者為鍾可權、性明居士、開該寺在昔香火不甚盛、今始稍為人知、願忘游踪、其名雖寺、實與廟等、壁間鑄有龍榮公軼事碑記一文、長數千言、大概謂復村里人鄧龍榮關於病、夢靈渡菩薩撫其案頭藥、後服之而愈、其子惠麟、清庠生、為大張其事、因鑄是碑、迷信者趨之而寺遂顯、事雖不可信、惟該寺之風景頗幽、固非因此而著者也、村之西、又有鄧氏宗祠、祠極宏敞、凡三進、門之左右、配以欄欄、祠建於清乾隆年間、重修於道光丁酉、內置高脚牌、科甲扁額、名人題聯等甚夥、中有扁額題「友恭堂」三字、復懸前朝聖諭十六則、堂右之壁間鑄清乾隆十六年立之鼎建雙惠二公初配享碑、碑文甚長、所載多為南陽鄧氏宗派之分合及其子孫之繁衍、又李文田所書一聯云、「遷居東西頭、想當年克儉克勤、兩祖貽謀開鳳里、分上下下屆、喜此日美輪美奐、千秋俎豆衍派紹」、該村居民多業農、魚鹽、和蠶等業亦多也、

(未完)

特約
撰述

新界風土名勝大觀

四三

江山故人

第一章 概說

(四)

村落

(禁止轉載)

(四二)沙江園 濱后海灣之南、去南去廈村一英里、南望大頭山、北通南蛇嶺、井等村、村居數十、繞以短垣、復爲門額其村名、內有小廟題曰「弘明普濟」、祀偶像三數、村自居民約二百、多務農、間或種蠶。

(四三)丹桂村等 由屏山沿馬路而南行、過處有遲圃、愚園、普生園、萬姓園、再行即爲丹桂村、此去屏山可一英里、該處一帶、多園林別墅、有靈谷別苑、梁煒生、鄧鏡生、林隱可、楊鼎中等別業、楊氏別業、爲最近落成者、屏馬路之右、近紅水橋、建築形式如園樓、佔地頗遼闊、規模極偉、其門額曰「居庸」、楊氏爲軍界宿將、頗好文事、嘗帥事韓樹園(文舉)、今營此苑以從事種植畜牧、以樂其餘年、而林氏亦爲在昔名將、隱居於此甚久、所開園林、在紅水坑畔、郭極亭台花木之勝、林頗嗜獵、新界各處常有其獵踪、近應李印泉氏之招、游蘇州去矣、由此南行以達於屯門、則有元聖齋、賴堪、賴園、廣田園、新豐園、張園、黃家園、麒麟園、清泉園、營盤村等、此帶村落、其情況大都相若、茲擇其一二在下段言之。

(四四)麒麟園 在馬路之右、南去屯門半英里耳、村居甚整潔、居民百餘、多姓陳、業農、村民陳少唐君、年七十餘歲、頗知醫、嘗朝夕往返屯門仁愛醫所、爲患病者診驗無倦容、誠慈祥人也。

(四五)營盤村 一名藍地、在馬路之左、與麒麟園相望、居民亦百餘、有小廟額曰「黃家園」、聯云「風雨停驂所、山泉歇客茶、其隣有靜室、並有門聯云、一護步青山資養氣、移蹤藍地笑拈花」居者爲黃姑、乃一靜修女子、法號蓮慈、昔隱於屯門禪院之所在、後以讓地於顯奇上人、故遷於此、今顯奇蓮慈兩人亦已歸道山矣、附近又有清涼法苑、亦爲女兒輩靜修之所、該苑一名柳香園、位於小邱之半麓、爲洋樓數楹、陳設整適、華麗莊嚴、兼而有之、四週林木葱鬱、香風襲人、於此開茶畦數畝、苑中靜修之女兒、暇輒潛畦採菜、蒔花藝木、生活甚閒逸、距苑不遠、新建一亭於馬路側、額曰「清涼法苑」、所以示登法苑之途徑也、聞該苑建已二十餘年矣、(未完)

特約 撰述 新界風土名勝大觀

五三

江山故人

第一章 概說

村落

(禁止轉載)

（四六）屯門 屯門之北及東部沿岸一帶，統稱曰屯門，計有新墟、水井頭、寶龍橋等處，水井頭多舊竹廠、黃家橋多游泳木屋，新墟則為小市集，居屯門之北，西南接青山，北地新園仔，東為廣地尤烈之馬路，村居散處各方，其數在百餘，在市集者多高二層，隣青山者，有鍾姓小村，可六七人家，附近自新墟南二層之樓宇七間，現尚未落成者，不遠則為南華紅磚公司及青山陶業公司，兩公司皆為偉大之製磚場，共有工人千餘，陶業每日出磚可六萬個，兩華南次之，所製多為紅磚，有車自工場運磚至海濱之碼頭，然後下艇轉往別處發售，每萬個取銀百餘元不等，車行處並設有鐵軌，軌甚長，經小邱之側而達於岸，南去，有橋跨而上，橋頭處則為新墟市集，此中有橫街小巷，商店叢立，所築為布疋、雜貨、豬肉、菜蔬、雜貨、雜貨店之形式頗宏偉，間有酒館，惟不甚設，又有福音堂、拔臣學校、黃問鳳輔道堂、曹國則在錦花茶樓之旁，內有晴雪廬、曜兩樓且有酒酌，不其設，又有福音堂、拔臣學校、黃問鳳輔道堂、曹國則在錦花茶樓之旁，內有晴雪廬、曜所、廣街市等，拔臣學校有生徒數十，且將設夜校，招和十二名，曹國則在錦花茶樓之旁，內有晴雪廬、曜室、枕石亭、桑園、漁隱釣磯等，一切點綴，極為雅逸，晴雪廬建於民國七年戊申之秋，風光洋樓式，高二層，為應家為偏閣，為走廊，光潔雅好，窗明几淨，內有李文田、吳鍾良、丁潛夫、陳子鵬等名人題字，園主人為曹受培，刑署青山漁隱，在清以優附生而任山西巡撫，歸化稅關監督，山西督辦為所禮遇，及轉太汾潞安巡撫平七府州兼管水利事務等職，今已作古人矣，應之前，沿岸一帶，曹國則在錦花茶樓之旁，內有晴雪廬、曜有雜貨攤位二、餘無別物，對岸有一九三三年所建之二層樓一座，凡七間，位於馬路之旁，現有雜貨、藥材、造木等商店，由馬路南行，至曹家橋附近之麒麟崗上，有聖廟、龍廟、三教殿、教人、為民國十年普濟會同人所設立者，廟宇宏敞，建小亭，麒麟崗為屯門之勝地，

正誤：時且雷應於屯門麒麟院之所在一句，屯門之下，添去「青山」兩字，

特約
撰述

新界風土名勝大觀

六三

江山故人

第一章 概說

村落

(禁止轉載)

(四七)青山 屯門灣之西岸一帶村落如黃家園、客家寮、石角咀等，統名之曰青山，以其皆在青山之麓也。近岸亦有小市集，恍若新墟，惟不及其繁盛。自屯門渡海之客船皆泊於此，艇行可十五分鐘，每人收艇費壹角，游青山者多乘之，此處共有客艇十餘，約在元明昆車過後，則歇波海，南風緊，泊屯門，北風來則泊青山，艇業以五六月間為最盛，蓋當此炎夏，遊青山者衆也。市集有商店十餘間，理髮、洋貨、茶市、雜貨、鹽廠、藥材、魚蔬等皆備之，雜貨店頗宏敞，茶寮不甚設備，鹽務則有志成，合利及義興三家，各有工人十餘，鹽料則取自汕頭尾運維等處，製鹽廠為一大寮，內置石磨六七，將鹽磨之便細，任其自乾，售諸市，每角可得十斤，暢旺者，月售數千担或過之，此外尚有腐竹寮百餘家，每寮備鹽十餘，或祇六七只，規模甚小，惟出口極多，每斤取值二角，與元明所製者，同負盛名，此處除市集而外，沿山麓一帶，日觀林極多，計有青山禪院、覺瑞林、長明精舍、佛緣精舍、永春園、梁園、寶慶別園、圓覺庵及安養靜室等，中以青山禪院為最著，院在山之大麓，有一香海名山牌坊，梁士詒、陳伯陶、伍餘等皆題聯其上，陳聯云：「遊海而南，杯渡僧依中國土，高山仰止，韓公名重異邦人」，寓意深遠，讀之警惕，附近有半山亭、青山義學、普同塔及魚墳，普同塔頗近山門，計有三，中者顏曰：「傳天台宗二十世開山第一代顯祖奇然公太和向之塔」，圓建小七級浮屠，左為比丘僧普同塔，右為比丘尼普同塔，寺內建設頗多，有地藏殿、杯渡殿、化龍殿、韓昌黎碑、黃柳川碑、杯渡花園、杯渡遺蹟牌坊、海月亭、方丈室、居士林、觀音閣、龍法殿、諸天寶殿、大雄寶殿、五觀堂及青雲觀等各處題聯極夥，山頂又有韓陵片石亭，有伍萃餘所題聯及伍華所為「游青山記」碑文，昔有山門開合，荷花淺淵，鷹爪奇石、虎跑清泉，高山第一、海潮明月，化龍古殿、杯渡遺蹟八景，其名勝之多，為新界各寺之冠，故青山一地，雖非大村落，得青山寺及其它禪林而名益彰，而其地亦日以盛矣。

(未完)

特約 新界風土名勝大觀

三八

江山故人

第一章 概說

村落

(禁止轉載)

(四九)蠔涌 在新界東南蠔涌灣之西、西北爲水牛山、西南爲中山及九龍山、南爲夏比山(土名奇山)及刺刀山、(土名尖鋒嶺)、一崇山鬱鬱、白雲深鎖、別具幽邃、復自九龍山黃屋仔有大涌奔瀉而下、經村之南而入於海、由九龍城午池灣往西、必經之地也、村居百餘、皆南面而立、其周崇石爲垣、若小園然、村民六百餘、皆羅姓、中以溫張二姓爲最多、溫姓且有一部份移居大埔仔者、其先世落籍於此遠在元明之間矣、村人多務農、間有遠出爲傭海人、村內有周發保和等雜貨店、又設崇賢學校、就讀者四十人、村南樹影婆娑、溪光掩映、晨至妍媚、東去、有車公廟位於斜坡上、拾磴可登、廟凡三楹、相並而立、其門額曰「車公古廟」、聯云「蕉黃荔紫、點綴開荒、水綠山青、又光緒三十四年仲夏所賜者、」功華著於南方、四海士民歌保節、德草敷、及異域、千秋黎庶賴安康、句雖平庸、然野之習爲歌功頌德聯者、大都如是也、廟之左壁、塑「吟風」二字及「清思」二字、雅韻挹雲、一聯、右壁亦塑「弄月」二字及聯云、「粉雪銀鈞月、載酒且携琴」、廟內陳設極整潔、左偏面之壁上亦懸「恆春」、並聯曰、「萬里波濤歸海國、一山花木作香城」在右者頗以「幽雅」、有題云、「一片林泉成樂趣、四時花鳥隱生涯、」此種點綴、雖無闢廟之宏旨、亦可見該村人之愛好風雅也、廟前又爲曠地、範以短垣、間植紫薇樹、花開時、冶紅傲艷、彌望爛然、開廟約建已六十年、重修於光緒三十年、至今廟貌猶新、遠勝沙田所有者、而每十年、村人始爲之建壇設醮及演戲以伸慶祝、廟側有小茶寮、過此東北行可至北園、亦即來往西貢之孔道、其對面爲永安橋、橋跨涌上、建於民國十年冬、所以通寓美南園等村者也、據該村溫姓老人言、在昔此處多產蠔、每值潮退、涌畔大小蠔錯雜沙石間、俯拾即是、故至今該地仍稱蠔涌云、該村禾田極多、四望皆然、其在斜坡者、每行田畝、依次漸降、泉流淙淙、不絕瀉既其間、自高而下、由此注彼、有如水塘之引流者、然、村人云、年中農事雖忙、亦僅足以自給耳、

(未完)

特約 新界風土名勝大觀

三九

江山故人

第一章 概說

村落

(禁止轉載)

(五十七)黃鰲村 距蠔涌西南一英里餘、位於中山、九龍山與奇樹山之大麓、林泉茂密、田野疎落、僅有茅舍三四、劉姓居民十餘及茶寮一而而已、茶寮任來往蠔涌與九龍城途中、居山之腰、其後為斜坡、有塋地六七、皆軒敞壯麗、在白花林(地名)者、自孫中山先生太夫人楊氏之墓、墓廣十餘尺、周作圍牆、如大山窩、結構如常墓、簡畧且過之、碑高三尺、祇題「香邑孫門楊氏太君墓」九字、餘無別碑誌矣、其地高出水平線千餘英尺、俯瞰蠔涌、南園、北園等處、宛然在望、左右兩山之勢如抱、橫亘海中之半島如案、縱目一覽、襟懷豁然、此堪輿家之所謂佳地也、明該村劉君言、楊太夫人昔居九龍城牛池灣之小梅村(即今之安老院故址、實為陳腐儒之別業、墓成於清宣統三年、葬後自日、即為辛亥之役、數年前孫哲生氏亦嘗一度來此墓云、

(五十一)界咸 去蠔涌西北半英里之一小村落也、亦居山之大麓、其南有山徑可通竹園、牛寮、大南寮等村而接來往九龍城西貢之孔道、村居十餘、居民多曾彭二姓、業農或航海、

(五十二)大鵬 由界咸登山向西北趨、越林澗、約十分鐘、即抵大鵬、村邊濃陰印地、涼風快人、居民百餘、多曾姓、有宗祠顏曰、「宗聖流芳」蓋指曾子者也、界咸曾姓亦為該村支族、居民亦以農為業、航海及往香港等處謀生者較多、由此西北行、經憩打均可達小瀝園及沙田等處、

(五十三)窩美 西北望蠔涌可半英里、東北與南園相毗連、其地茂木陰森、清流競響、屋宇結構、華麗備至、即簷角垣端之點綴、亦頗精緻、村有居民百餘、皆業農、分張何兩姓、張姓設宗祠、何姓奉已式教、建福音堂於村北、堂內附設育學校、為該村子弟就讀之所、有扁額曰、「主恆偕我」、並聯云、「本一體以為心、澤乎中外、綜羣言而立教、道貫天人」、堂內陳設頗雅、而窗外鳥聲細碎、綠影扶搖、小坐其間、不知身在何處矣、

(未完)

特約 新界風土名勝大觀

江山故人

(禁止轉載)

第一章 概說

村落

(五四)南園 居蠔曲灣之南、去窩美村不遠也、村居數十、倚山臨海、高二層者十餘、有雜貨店、居民多邱姓、邱氏宗祠二、其東有天后古廟、頗褊狹、則為半島、矗立海中如小洲、與沙咀之龜洲相似也、海面築堤、幾成長方形、堤內為田園、頗修廣、村民除業農外、又有三四家備艇收魚運往九龍城發賣、艇為小釣艇、常繫於堤邊灘畔、有合勝合發等號、收魚時、遠出港面、與漁船交易、買入多少不等、歸時、一在凌晨、一在將午、艇離岸較遠時、先以所獲魚量之多寡報知村內漁屋、其法為吹號角、一聲者一担、多則類推、此所以利便到購者預行交易、蓋此輩悉為九龍城新街市魚販、預候於此、皆以爭先恐後捷足先得者為快也、至艇抵岸時、魚販猛擁而下、各將所載得之魚、僱村人挑之歸、每人挑數十斤、工資二三角、該村與北園每日所收得之魚、最多五十餘担、平常則十餘担耳、魚類多為鮑、鮑等、遇東風、則有蝦多少、每斤僅售角餘、若自平時、蝦蟹之屬絕少也、

(五五)北園

與南園相望、亦有堤塘、村居十餘、皆倚山之隈、與堤塘成一圓形、中為禾田、居民多劉姓、無宗祠、有茶寮、位於村南堤盡處、亦有一兩家以收魚為業者、其情況一如南園也、

(五六)北港

去北園之北一英里半、東距西貢不及一英里、村居近白、背山望田、村邊緣樹扶疎、流泉交集、居民約三百餘、多劉駱二姓、不設宗祠、子弟讀書、多延師至家課之、村人皆務農、每年收穫二次、一在六月、一在十月、所獲不豐、間有村人出外謀生、如廖涌、界咸、大鵬者然、村之東、有天后宮、門聯云、「蒲田久布

恩州遠、北港咸沾德澤長、」進內復有聯曰、「聖誕宏開、金闕鐘鳴齊頌祝、華筵廣度、玉京鷄唱共朝餐、」廟內佈置則甚簡陋耳、

(五七)打蠔墩

距北港村東南不遠、枕小邱而依水湄、與南園遙遙相對、居民僅十餘家、皆劉姓、業農、

(五八)打蠔墩

一稱打蠔山、去打蠔墩之東不遠、居民亦十餘家、有劉張二姓、皆業農、

(未完)

特約
撰述

新界風土名勝大觀

一四

江山故人

第一章 概說

(四)

村落

(禁止轉載)

(五九)西貢 去北港之東不遠、居西貢灣之北、西北遙望市鞍山、東南臨避風港、由九龍城步行至此約需時三小時、屋宇數百、居民五千餘、樓之高二層者甚多、近岸較多新樓、有石碼頭、為來往香港西貢小輪船停泊之所、渡海而南、有小邱、巔巔即建其上、山麓有水井頭村、亦數十人家、村畔之海灘、常有漁人曬網修帆、以業於此、渡海艇資每人需銅圓一枚、而面常見漁船泊、多至百餘艘不等、比坑口尤盛也、全村有商店頗多、以業鹹魚、雜貨、山貨為最夥、其它如洋貨、理髮、生菓餅食、茶樓、錢銀找換及首飾等商、亦無不有、雜貨以泰生棧及一生兩家為最大、主顧多為漁人、營業以油、鹽、米、糖、四項為最大宗、蓋此地不獨為漁船聚之所、抑亦新界東部各村落所趨向之市集也、其重要正與荃灣、長洲大澳等處無異、軒輊則有得如、維新兩家、夜市開至十二點、男女學校亦有數間、街內小巷、有如長洲、街內設鮮魚、公蔬、豬牛等肉之市、法如昔日之九龍城、舊街市、每日亦有村人運魚往九龍城發售者、以烏頭魚及黑魴(魚旁)公最多、烏頭魚每斤約值二角餘、南北二關所售者不及其昂也、村之北、有天主教堂、位於小邱上、內設小學堂、讀者十餘人、附近有墳墓數十、皆屬天主教者、該教信士、恆百數十人旅行西貢、此徘徊燕息也、邱之麓不遠、有天后廟帝兩廟及普通學校、三者皆比鄰而而立、其前為曠地、以種蠶繅之、天后古廟有門聯云、「聖蹟自消山恩流實士、慈雲開港海、澤被崗州、關帝廟則頭「協天大帝」四字於西欄、配聯曰、「正渡一心、貫徹千秋忠義氣、空曹兩目、看開萬古帝王機」、兩廟之建設甚新、蓋重修未久者也、該處交通、每日上午九時有小輪由香港鹹魚欄開行、經筲箕灣西貢而至西貢時、則為正午、至下午二時半始返、船費每人四角、又什坑口附近山背之巖口沙有小帆船常川往還於此、每人需費二角、(六十)沙崗尾 一稱沙角尾、距西貢之北不及一英里、村居雅潔、居民二百、皆雜姓、業農、有育書室、於於一九二八年、樓凡二層、頗闊敞、樓後有運動場、綠草如茵、風景可愛也、(未完)

特約
撰述

新界風土名勝大觀

二四

江山故人

第一章 概說

村落

(禁止轉載)

(六二)大環 由西貢沿海岸東北行，約十分鐘，過同福橋，橋建於民國戊午年春，再行二十分鐘，即抵大環村矣。該村有屋二十餘間，田疇不多，居民皆王張何三姓，業農。自西貢往企嶺下(在三司小港側)或沿樹凹者必經此處也。

(六三)榕樹凹 在三司小港之東，由大環至此約三刻鐘，村居近百居民雜姓，有小雜貨店，其地枕山面海，林泉錯雜，田野縱橫，有山徑可通深而，荔枝酒、白潭、淺坑及新界橋東之各小村落，若值大埔墟期，有艇來往入埔灣，即西貢鄉人，亦多越山至此趁渡，以其利便也。

(六四)企嶺下 居三司小港之西南，西望馬鞍山，有新舊二園之分，土人稱舊園曰老企嶺下，舊園居北，新園居南，相去可半英里，居民共有數十家，多何姓，舊園附近有羅馬教堂，建築頗宏麗，聳立田疇村舍間，極惹人注意也。

(六五)黃竹洋 去企嶺下舊園之南約一英里，有徑可通大環及沙崗尾，村舍三十餘，環繞皆山，如處小谷然，居民雜姓，皆務農，其況頗似大埔仔及井欄樹也。

(六六)烏鵲沙 由企嶺下沿岸以遠為烏鵲沙一帶，村落頗密，如西淵、鴨嘴寮、大洞、井頭、雞姑林、下蛋、坭涌、乾坑、西凹、樟木頭、將軍里等，其情況大略畧同，可不必贅述，惟烏鵲沙之風景較幽矣，烏鵲沙之名，見於廣府志、張府志等，近人誤稱之為烏龜沙，或烏溪沙，該村居民雜姓，亦數十家，多以植菜捕魚為業，時或沿岸捕蟹，所獲不多，有雜貨店、顏海林木叢茂，又多沙石，其南不遠，有馬鞍山華興礦務公司所建之木碼頭，(六六)馬鞍山村 在馬鞍山之西南山腰，高出平水綫約七百餘英尺，由此上行，即為華興鐵礦場所，礦場佔一英方里，礦區則達數英方里，所產極豐，深入地層六十餘英尺仍屬礦苗，溶化之可得鐵量百之六五，為新界最富之礦區，惜今已暫行停辦矣。該村居民百餘，多溫姓，有溫氏宗祠，業農，西降以及山麓，則為大水坑矣(未完)

(勘誤)昨第(五七)打蠟墩一節，內云「居民僅十餘家，皆劉姓，一實盧姓」。

特約撰述
新界風土名勝大觀

三四

江山故人 (禁止轉載)

第一章 概說

(四) 村落

(六七)大水坑 居南水
灣之東，此去沙田約行一小
時半，村居百餘，分立大橋
之南北，河口鑿牆成坑，橋
石跨其上，故名，居民皆務
農，難姓，居此已二百餘年
矣，其西之海灘，有艇常川
渡，潮水灣而至對岸之落路下
，艇資每人二角，
(六八)梅子林 在來往
沙田西貢途中，東南去茅坪
不遠，西北有山徑沿河行可
至大水坑，居民十餘家，多
吳姓，田畦雖多，不其豐也
(六九)牛鼻沙 去沙田

車站之東約二英里，惟山徑
曲折，須行五十分鐘始達，
其隣為隱阻村，距小徑亦
近，由梅子林至此須三刻鐘
也，本村有屋十餘間，居民
僅數十戶，分李吳二姓，
吳姓設宗祠，其鄰有半新舊
式之樓閣，其他岸宇皆雅潔
，其間有若蟻涌，美及南河
之匪徑，若然，村人雖少，所
業至多，為農為漁為航海，
各視其能以謀發展，至於農
事，則三姓居民分任耕耘之
役，歲收可得四百餘担也，
附近有小徑，大龍寮、黃
坑頭、石鼓頭、北心坑等村
，皆散處砲樓山之南麓，各

有居民數十家不等，大部務
農，其情形大同小異耳，
(七十)沙田 居獅子山
之陰，潮水灣之南，共有排
頭圍、白田、大圍、徑口、
田心、隔田、沙田頭、山頂
園、鑿成坑、沙田頭、萬里
及多石等村，經橫南英方里
，居民四千餘，沙田村姓謝
，有宗祠，山頂園姓曾，有
大夫第，徑口有謝何三姓
，設宗祠，田心、隔田、大
圍等皆難姓，沙田頭居城門
河上游，其上有民國四年所
建之大龍橋，長二百英尺，
其西有普濟寮，玉山草堂，
道風山、普濟洞、紫雲園，
西林、村居小築、沙田車站

、三益、三民、兩茶室、雜
貨店、南有以夫石、哥爾夫球
場、暨崇山堂、吳園、車公
廟及暨署等，山頂園有屋數
十間，四周繞以圍牆，形如
小城，姓已六十餘年，居者
祇會姓一家，故又稱會氏大
屋，潮水灣南有長堤，一四
，一村，又一為車姑至沙田頭
，勢如孤山，與夫石如保塔，
知孤山，與夫石如保塔，
潮水灣如外湖，水牛山如樓
山一帶如南北河，高峯、隱有
三天竺、虎跑泉、龍井、九
溪十八洞、勝沙田有一小西湖
之稱，想見勝其概矣(未完)

特約 新界風土名勝大觀

四四

江山故人

(禁止轉載)

撰述

(七一)徑口 爲沙田最西南之一小村落、由九龍城越山經九龍崗而往沙田者、多經此處也、居民約二十餘家、分羣麥何三姓、有章氏宗祠及雜貨店等、

(七二)田心 距徑口之

北不及半英里、村居百餘、四周綠樹參差、映畝繞之、並有兩門額曰「田心」、內有雜貨店及學校一所、居民雜姓、中以蔡章二姓較多、該村風景極幽、饒有綠楊城郭之佳趣也、其東之新圍、有車公廟、而溪而立、建甚古、重修於光緒十六年、佔地不廣、廟貌頗陋、惟遠道來

參神者多、尤以夏曆元月及車公誕爲最盛、故游沙田者、多知有此廟也、

(七三)大園 去田心之

北亦不及半英里、位於大埔路與廣九鐵路之間、居民百餘家、皆羅姓、內有積存園、北園及侯王古廟、廟在村北園門之側、建於光緒十四年歲次戊子孟冬者、今已毀、祇存其廟門而已、附近有李炳之別業「玉山草堂」及其太君墓、隣爲風道山、上建石室及殿宇、居二十餘教士、乃奉耶而參以釋道等教者、蓋一宗教之集合場所也、(七四)白田 居城門河

畔、西北望針山、東南與大園相對、所隔者、祇一大埔路耳、村舍數十間、散處山麓一帶、有蘇竹廠及菜園、且有一山徑可達針山之巔、需時一小時許、由此溯城門河而上、泉瀑紛集、頑山嵯峨、爲小池三四、其較長且深者、即俄人連伯氏所闢爲天體運動之場所也、該處本屬認舊田(地名)、以其設有香粉製造寮數間、故名之曰香粉寮也、(七五)排頭圍 在九廣鐵路側、與沙田車站相望、居宇二十餘間、高二層者三數、皆整潔古雅、倚山麓而

遙對西林及村居小築(屋名)、村前有徑登山、行約十分鐘則爲紫霞園、有聯云、「紫氣懷鉛、海外蓬萊分一席、霞漿露液、園中沆瀣響三田」、園內爲紫霞精舍、建於民國二十年孟冬、復有李鶴年所書聯云「紫氣東來、涵養精華充斗界、霞光西照、圓明舍利耀蓮邦」舍凡三楹並立、分兩層數進、居者奉先天教、不遠爲道築園、其鄰有寄影廬者、陳設古雅、院深庭閒、居此靜修之人、爲何香凝之母某氏也、(未完)

特約撰述

新界風土名勝大觀

五四

江山故人

(禁止翻印)

(七六)大埔 新安縣志
稱大步、據該地土人云、在昔該地爲大森林、人跡罕至、行者大歩而過、故有是稱、其言可信也、此去沙田西北六英里、乘車至此則爲九英里、東望陀羅港、居林村河下游、居民數千、多鄧姓、有鄧氏宗祠、在車站對面、之山半、由所建未久者、全區大別分爲新舊二墟、舊墟居北、有省躬草堂及村舍百餘、居民雜姓、以鄧姓較多、先世來自粉嶺龍躍頭、居此二百餘年矣、省躬草堂爲洋樓數楹、周復範以短垣巍然矗立、爲全區建築物之最

雄偉者、新墟、一稱太和市、去舊墟之南陸遙、相隔有林村河、賴廣福橋以通之、橋長百餘尺、建於光緒十二年歲次丙申仲夏、去橋百餘武、位於大埔路之右者、即爲林樹觀別業、其旁有修竹及田畝、新墟爲大埔商業重心、九廣鐵路車站即設於此、有安富、靖遠、北盛、南盛、崇德、仁興、懷仁、懷義、官善、瑞安等街、樓凡數百、皆高二層、多爲新建築、開該墟之建設、太坑文泰泉氏與有大力焉、各街道商店頗多、安富道最廣長、右基督復臨安息日會之福音堂及

宏偉之富押店、靖遠市所有商店、設備甚週、有若九龍區域所見者、瑞安、仁興、懷義等街則多住宅、北盛街依林村河畔、有水車公所及大埔國家醫局、崇德街則有一九二五年所建之鄉議局、內爲立達堂、大埔閱書樓及崇德學校、至若富善街、雖不甚廣、惟商店整潔、皆以衡對宇、爲全墟最繁盛之處也、內有照相、雜貨、布疋、洋貨、海味、臘味、酒舖等、商、又有榮記、新界樓、天和三茶樓、街之盡處、設菜攤數檔、所售多爲木瓜、每斤仙四五銅圓不等、街左稍

折入、則有文武二帝廟、懸「文昭日月、武鎮山河」聯、內飾以一心千古、正人明等匾額及忠孝廉節四大文、其右壁則刻廣福橋碑記、如廟前軒敞而建、亦甚古、菜、洋貨等物皆備、此街發售、墟期則在月之三、九、日、屆時遠道來購物者衆、其熱鬧情形不在石塘咀元豐墟之下也、大埔酒、亦頗有名、福和棧及隆南酒廠其著焉者、附近太和園、發署及北約理民、北約鄉民之犯事者、皆就審訊、大埔不啻爲新界北之首府也、(未完)

特約 新界風土名勝大觀

四六

江山故人

(禁止轉載)

(七七)大埔舊、去大埔東南二英里、村居十餘、負小邱而臨海、有雜貨店三間、主顧多為粵人、蓋灣內常有小釣艇停泊也、其西半英里、有長碼頭、來往鯊魚灣之輪船即泊於此、若往船灣、西貢、橫浦等處者、亦由下艇、附近之大埔舊車站實為利便鄉人趁渡而設者也

(七八)洋涌、在九廣鐵路之左、斜對大埔墟、村有圍牆、居民百餘、皆粵姓、始祖辰和、來此約三百年、傳二十世至殿中、有殿中家塾、位斜坡上、地在圍外、內祀先人、並題一大「壽」字、為乙丑年季冬元朗七十歲旦、郭翼樞所書者、此處蓋用作宗祠者也

(七九)碗窰、洋涌南行不遠、即見十餘村落、散處山谷中、此碗窰也、土人稱碗窰洞、共有十餘下窰、荔枝山、打鐵例、燕巖、園墩下、半山、陳等村、每村居民不及一百、皆粵姓、馬姓較多、居下窰、有馬氏宗祠及樊公廟等、荔枝山有桃源洞、齋堂、建已二十年、昔之主持為田邵卿、今已圓寂、該處臨溪、遍植桃樹、當盛放時、夾岸桃紅、映溪生趣、不減武陵景色也、現桃樹多年、有聯曰「快向當前同品

茗、樂從此處暫停輦」由埔往林村者、必經其前也、(八二)大坑、商距梅坑不及一英里、居民五百、多文姓、有文氏宗祠及后古廟、對面為李福林之樂園、園佔地數英方里、植各種菓木極多、中以楊、槐、為最著名、出品多運往港、廣州、上海及長江流一帶發售、園中有李氏燕一、所、內懸譚延闓等名人題聯及孫總理親筆題贈李之照像一大幀、至於園門有識耕老人集王摩詰句之云、「門前學種先生柳、傍時買故侯瓜」、(未完)

特約撰述 新界風土名勝大觀

七四

江山故人

(禁止轉載)

第一章 章說概

(四) 村落

(八三) 林村 去大埔之西北一英里許，居大帽山與大帽山之間，中為大平原，林村河上游皆分流於此，土人稱之曰林村洞，林村者，村野多林木之謂也，全洞共有村落二十八，而統稱曰林村，其地多石，水窩，大芒，梧桐寨，大菴山，小菴山，龍亞排，龍亞，大菴，社山，上田寮下，下田寮下，社山

塘面、新塘、泉水井、新村、放馬埔、鍾村屋、新屋排、坑下埔、校寮下及園頭、共計居民二千餘以鍾姓為最多，若寨古、大菴山、上田寮下、下田寮下、泉水井、新村、平壟、鍾屋村及新屋排、皆鍾姓者也，其居民幾佔全數之半，各村多設宗祠，尤以鍾屋村之鍾氏宗祠為最宏壯，內為師德堂，附設家塾，讀者十餘人，鍾氏先世居此亦遷往宋元之間，此村有荔枝樹百餘株，所產多為和枝之類，佳味亦有多少，和枝頗佳，味殊不遜黑栗

該村之特產也，聞每斤祇需五六銅圓耳，全洞各村多設家塾，在坑下埔林氏宗祠內者，學生雖為十餘人，但辦理頗完美，地方亦甚整潔，該村居民數百，遠祖為林永盛，乃來自福建者，其墓地在之壯麗，為全洞之冠，附設平聖書堂，有懷遠學校，於福音堂內，天后宮，建於清乾隆二十六年，廟內極陋，外不可久立，廟前對照壁，外為大草場，甚平坦，村童視為極佳之運動場所也，全洞僅有雜貨店五間，以放馬埔之三和號為最新，村民之製

慮竹者，亦有十餘處，惟皆視為副業，至農事開始為之也，(八四) 南坑 與大埔區墟相毗連，居民祇羅姓等六十餘人耳，有菜園數處，所產之木瓜，多在新墟發賣，(八五) 楓園 與南坑相隔一小邱，居民百餘，多麥姓，有麥氏宗祠，乃洋南麥氏之支族也，村居負山，四周濃蔭蒼翠欲滴，至為幽麗，有較廣之坵路自村居出而接來往大埔墟，灣船汀角等處之山徑，附近山深林密，野獸奇禽獨多，獵者趨之若鶩也。(未完)

特約撰述
新界風土名勝大觀

八四

江山故人

(禁止轉載)

第一章 概說

(四)

村落

(八六)船灣 在陀羅港之北、共有洞仔、圍下、黃魚灘等村、居民數百、雜姓相處、有關帝及天后兩廟、關帝廟之右鄰、有育英中英文學校、設課堂二、讀者數十人、所有陳設、皆極光潔整齊也、

(八八)橫嶺頭 在八仙嶺之東麓、居民雜姓、都二十餘家、村當涌口、坭石相集、野樹叢生、有草地甚廣、可作球戲、側為橫涌、居民亦數十、由大埔僱艇往新娘潭者、多由此處登岸、

(八九)島蛟田 去橫嶺頭之北一英里、地處高原、環繞皆山、居民近千、多李姓、有李氏宗祠三、劉氏宗祠一、昆崙雜貨店及覺羣學校、該校有生徒四十餘、辦理甚佳、政府曾津貼之、聞該村屬蜈蚣地、清季、科名頗盛、李氏一族、共有庠生四人云、

(九一)南涌 居噪林鳥小港之西南、由島蛟田步行至此可一小時許、居民五百餘、有李鄭楊羅鄧五姓、每姓各佔一地、復以姓名其村焉、李屋村居東、其宗祠建於光緒乙酉仲夏、內有拔元文魁神匾額、並聯云、一仙李蟠根、西藩函關來紫氣、古梅發跡、南遷新邑妥先靈、又有靜觀家塾、建於光緒庚子仲冬、讀者二十餘人、

(八七)汀角 在船灣洞仔之東、居民二百餘、多李林等姓、有雜貨店及天后古廟、

(九二)和坑 一作禾坑、東南鄰南涌、北接粉嶺至沙頭角之公路、居民三百餘、多李姓、有李氏世居及鏡蓉書屋、

(九三)和坑 一作禾坑、東南鄰南涌、北接粉嶺至沙頭角之公路、居民三百餘、多李姓、有李氏世居及鏡蓉書屋、

特約撰述

新界風土名勝大觀

九四

江山故人

(禁止轉載)

第一章 概說

(四) 村落

(九三)沙頭角在新界北、去粉嶺約七英里、其適居中、英分界處、南臨鳥小港、北望梧桐山、其角等村皆屬之、居民數千、皆業農、漁及種蠶、有九關、又於中英分界處、建小四、五、頭、九龍新界、關、廠、或第二廠、警署則設烏石角附近小邱上、印發授巡於中英分界處、過其

地者、有無限滄桑之感也、(九四)鵝洞約在粉嶺至沙頭角之中站、隣為和坑、居民百餘、多鄧姓、有小酒廠、其南一英里、為水門山、山上泉石之美、在新界頗有名、(九五)萬屋邊與黎洞相望、居民數百、皆姓黎、其側有和坑至深圳之古道、西為廟徑(地名)、有長山古寺、建甚久、重修於民國十年、內祀觀音佛祖及地藏王、寺理者為一老尼、其門聯曰、一長亭惜別、古道曉歧、雨笠塵襟人日日、山

鳥吟春、寺公送曉、烟鐘風聲、我年年、廟內甚陋、游者極少、蓋僻處山陬也、(九六)打鼓嶺在深、河上游、對望即屬新界、由廟徑至此約一小時、新界極北之重鎮也、居民姓、約有千餘、多葉園、附近之六和園、柑莊子樹、深、馬氏世業、警署位於深、畔、四周繞以鐵網、戒備森嚴、側為沙頭角、羅廣軍路、路長七八英里、極平、右望華界、如針鋒相對也、(九七)上水北去深圳

河一英里許、居民數千、多廖姓、有廖氏宗祠、內為明德堂、並懸「欽點兵部主政廖鵬年恭承」之匾額一方、其南之石湖墟、有華興茶樓及市集、隣近之曠地、每年新界農品展覽會皆在此舉行、又民國十九年所建之世光園、有園為中醫廖壽彭之別業、內闢亭臺池沼、點綴頗雅、不遠、即為上水警署、外有雙魚洞墳場、羅湖磚廠、九鐵路分站等、此處農產、以白菜、芥菜、白芥、蘭心、莖菜、生、菜、芹、菜、等、為最著名、在新界農展會獲優獎者也、

特約撰述

新界風土名勝大觀

十五

江山故人

(禁止轉載)

第一章 概說

(四)

村落

(九八)粉嶺 去上水東
南約一英里、亦為九廣鐵路
分站之一、居民數千、皆雜
姓、軍地、孔嶺、龍躍頭、皆
菱角園、新園、安樂村等、皆
為其附屬、並有洋樓甚多、
新界大村之一也、近車站者
有安樂村、藏霞精舍、蓬
瀛仙館、芝華堂、粉嶺賽馬
會及禮拜堂等、軍地又有頗
大之賽馬場、安樂村佔地甚
遼闊、為港商馮鏡湖等集資
所開闢、內有西河別墅、成
法園、鏡湖別墅、瑞勝書室

、寶閣、三級總學會、軒轅
祠及安樂祠等、安樂祠建
於民國十三年冬、頗軒敞、內
懸長聯三數、右壁鐫謝泳栢
所撰之安樂祠堂記一文、軒
轅祠有陳伯陶、桂南屏等
所題聯、餘皆園圃錯落、樓
宇巍峨、極盡山居之勝、故
又稱模範村、出產以波羅為
最佳、瘴氣、霞蔚雲蒸、一
九年仲秋、有門聯云、一藏
神聚氣、霞蔚雲蒸、一有
長壽亭及果園、此清遠朱氏
靜修之所也、蓬瀛仙館位於
小邱上、最近車站、為道教
中人所建者、內奉太上老君
及呂純陽、配聯曰「四而雲

山環寶座、雙魚洞水繞明堂
一、右鄰為蓬觀靜室、壁間
懸譚延闓等所題聯及焦山四
寶閣、樓上為養靜之臥、闊
房八間、各備牀褥檯椅等物
、此各道侶之所自澄者也、
最近該處闢露台、立此、可
俯瞰雅麗、散處綠野、田疇
皆極雅麗、景色、餘如各別墅、
為粉嶺生色不少、此區雖
屬大村、惟多園林而少商業
、故終不及大埔與元聖之繁
榮也、亦不過稍惹游踪而已

處居民多由此遷往者、出品
以芥菜為最佳、
(一百)金錢 去粉嶺之
西一英里許、居民百餘家、
村畔修竹列植交蔭、流泉淙
宗、風景甚逸、有極大之歌
爾夫球場、東英學圃即在其
側、園內梅花菜蔬等甚夥
、為港紳何東之別業、對望
安樂村、惟規模不及其偉大
也、附近又有白宮、居者為
陳氏、陳於民國初年當任庇
嚕領事、退居於此甚久、除
建白宮一樓外、尚有絨球場、
亦雅亭及菓園等、而所藝花
木、種類至多也(此段已完)

(九九)龍躍頭 去孔嶺
不遠、居民數百、多文姓、
有崇謙學校、大埔及太坑兩